



JUDICIAL SYSTEM MONITORING PROGRAMME
PROGRAMA MONITORIZASAUN BA **SISTEMA JUDISIÁRIU**

Komunikadu Imprensa

11 Fevereiru 2014

**Audiénsia Komisaun A ho Reprezentante Media:
Reprezentante media sira preokupa ho Lei Imprensa ne’ebé la refleta
situsaun reál jornalista Timor**

Iha 5-7 de Fevereiru 2014 Komisaun A Parlamentu Nasional hala’o audiénsia ho media cetak no media eletronika inklui mós Asosisaun Media Nasional Timor Leste durante loron tolu iha Tibar Likisa. Audiénsia ne’e hodi diskuti kona-ba Esbosu Proposta Lei N.^º 9/III (1^a) kona-ba Lei ba Imprensa ne’ebé elabora husi Sekretáriu Estadu Komunikasaun Sosial.

Durante diskusaun lei refere ne’ebé prejidi husi Prezidenti Komisaun A PN Sra. Carmelita C. Moniz reprezentante media sira hato’o sira nia preokupasaun hodi kestiona kestaun sira kona-ba “kapasidade jornalista nian”, ezersisu ne’ebé jornalista sira tenki práтика, kestaun inkompatibilidade ne’ebé ladun justu ba jornalista funzionariu ho públiku inklui mós kona-ba kontra-ordenasaun no direitu anterior ne’ebé la kondis ho situsaun reál Timor Leste. Tuir reprezentante media sira katak asuntu hirak ne’e sei afeita ba profesionalismu servisu jornalista nian iha futuru.

“Iha Timor Leste media sira kaer papel importante tebes iha ita nia sosiedade liu-liu papel atu kontrola instituisaun estadu sira. Tanba ne’e JSMP husu ba Parlamentu Nasional atu konsidera preokupsaun sira ne’ebé reprezentante media aprezenta atu halo elaborasaun klean iha diskusaun espesialidade atu nune’e bele hadia diak liutan kualidade servisu media nian hanesan orgaun komunikasaun sosial ne’ebé profesional liu iha futuru”, dehan Luis de Oliveira Sampaio, Diretor Ezekutivu JSMP.

JSMP sujere atu Konsellu ba Imprensa ne'ebé nia kompozisaun hamutuk ema nain 5 tenki apar ho divizaun servisu ne'ebé konsellu ne'e atribui no sujere atu membru hirak ne'e hili husi deputadu Parlamentu Nasional, atu evita konflitu interesse entre organizasaun media sira rasik.

Durante audiénsia deputadu sira mós apresia no orgulhu ho media cetak nomós media elektroniku sira inklui asosiasaun media sira nian nia prezensa ne'ebé mai ho ideias no hanoin ne'ebé konkretu no refere ba artigu sira ne'ebé preve iha lei refere. Aleinde ne'e reprezentante media sira mós senti orgullu maske sira nia ideia barak la inklui iha ebosu lei ne'e, maibe liu husi audiénsia ne'e sira bele hato'o sira nia informasaun sobre lei refere.

Tuir informasaun rezultadu audiénsia Komisaun A nia relatório pareser sei hato'o ba Meja PN depois aprovasaun iha komisaun iha Kuarta-feira semana ne'e.

Atu hetan informasaun kompleitu, favor kontaktu:

Luis de Oliveira Sampaio

Diretor Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl